



FOTO: FLURIN ANDRY

Ilis uffants da la scolina rumantscha da Cuira, pronts per giodair la naiv sin Brambrüesch, (davosvart da san.) Sandra Albin e Nicole Kaiser, ina mamma gidontra.

Bilings gia en scolina

Dapi l'entschatta dals onns sesanta exista a Cuira ina scolina rumantscha. Las mussadras èn actualmain Sandra Albin e Heidi Caviezel.

Per il mument frequentan 29 mattas e mats en la chasa da la Lia rumantscha la scolina rumantscha. En quatter famiglias dals scolarets discurren bab e mamma rumantsch, en nov famiglias sa u il bab u la mamma rumantsch e 16 uffants derivan da famiglias betg rumantschas. L'unica cundiziun per pudair frequentar la scolina rumantscha

è ch'ils geniturs ston avair domicil a Cuira. Quai vul dir ch'ils uffants survegnian da lur mussadras Sandra Albin (Madulain) e Heidi Caviezel (Razén) gia en la vegliadetgna da la prescola in'instrucziun bilingua. «La motivaziun da trametter lur uffants en la scolina rumantscha è per bliers geniturs ch'els vulan dar ad els la pussaivladad, la schanza d'emprender in'otra lingua gia durant il temp da scolina», declera Gregor Canova che presidescha l'Uniun da scolina rumantscha.

anr/fa